

MATIES!

Probeer u eie winkel vir herstelwerk aan u rakette:
Kort snare 1/-. Lang snare 1/3.
Hersnarings: 17/6, 19/6, 25/6, 35/6. Armours super special snare 37/6.

DIE EIKESTADWINKEL
(Edms.) Bpk.
C.S.V. HOOFGEBOU.
Stellenbosch.

DIE Matie

STELLENBOSSE STUDENTEKOERANT.
ORGAAN VAN A.N.S.-TAK.

VILJOEN

se fietswinkel sal u fiets weer repareer. Bring dit net.
FIETSE EN FIETSPARTE NOU IN VOORRAAD.
Alles teen die billikste terme.
Onthou—
Net langs Suikerbossie.

Gedruk deur Pro Ecclesia-Drukkery en uitgegee deur die A.N.S.-Tak Stellenbosch

VRYDAG, 12 JUNIE 1942.

PRYS 1d.

DEEL II, No. 15.

Baie Atlete Verwerf Pryse Rolprent Van Olimpiese Spele Vertoon

Die Atletiese Klub van die Universiteit het verlede Dinsdagaand 'n prysuitdeling gehou in die Hollandse saal. Daar was 'n groot aantal belangstellendes teenwoordig, en sommiges moes in die paadjies staan.

Dr. Eppie T. Stegmann, die President van die klub, het die verrigtinge geopen deur 'n welkomswaard aan die teenwoordiges te rig asook die klub geluk te wens.

Stellenbosch het in die verlede veel presteer op die gebied van sport en is nog altyd instaat om sport van 'n hoë gehalte te lewer danksy die toewyding van die persone wat deelneem aan die atletiek.

Vervolgens het mnr. Danie Rabie, kaptein van die klub, mej. Hettie Lubbe gevra om die pryse uit te deel. Die volgende pryse is vir kampioenskappe uitgedeel:

PRYSE

100 tree: 1. A. Allen, 2. L. Loots; Verspring Dames: 1. E. van Niekerk, 2. H. Lubbe; 880 tree: D. Rabie; Spiesgooi Mans: 1. J. Krige, 2. B. Krige; 100 tree Dames: 1. Hettie Lubbe, 2. I. Nel; Verspring Mans: 1. A. Myburgh, 2. J. v. Heerden; Gewigstoot Dames: 1. H. Lubbe, 2. E. v. Niekerk; Gewigstoot Mans: 1. J. Krige, 2. S. Crowther; 80 meter Hekkies: 1. H. Lubbe, 2. E. v. Niekerk; 120 tree Hekkies: 1. A. Myburgh, 2. J. Gerber; Hoogspring Dames: 1. H. Lubbe, 2. E. v. Niekerk; 220 tree mans: 1. A. Allen, 2. H. v. Heerden; Paalspring: 1. B. Blommaert, 2. J. Botha; 2 Myl: P. de Wit; 220 Hekkies: A. G. v. Wyk; Diskus Dames: 1. Hettie Lubbe, 2. I. Ettlting; Spiesgooi Dames: H. Lubbe; Hoogspring Mans: 1. J. Brink, 2. B. Blommaert; 1 Myl: 1 D. Rabie, 2. N. Oosthuysen; 440 tree: H. v. Heerden.

VICTOR-LUDORUM

Dan is die Victor-Ludorum toegeken aan B. Blommaert asook die Hepworth-beker vir die beste prestasie van die jaar, in dié geval paalspring.

Die Victrix-Ludorum het na mej. H. Lubbe gegaan wat verreweg die meeste punte behaal het gedurende die kampioenskappe. Sy het oog die Young-beker verwerf met haar prestasie in die diskusnommer.

Verskeie ander pryse is ook toe-

geken aan wenners van voorgenoemdes.

Na die uitdeling van pryse het dr. Stegmann versoek dat dr. Wilcocks 'n woordjie van die kant van die owerheid aan die mense sou rig. Dr. Wilcocks het die suksesvolle mededingers gelukkig wens wat soos hy gesê het, tersyde van baie moeilike omstandighede, soos die slegte baan op Coetsenburg wat hopelik gou in orde sal wees, hulle met soveel toewyding aan die sport gewy het, dat hulle die seisoen so suksesvol kon afsluit. Hy het die hoop uitgespreek dat baie meer studente aan die sport sal deelneem in die toekoms. Verder het hy persone wat gehelp het by die byeenkomste baie bedank en veral melding gemaak van die breier mnr. S. J. du Toit wat van elders moet oorkom om die werk te doen.

ROLPRENT

Daar is toe 'n rolprent gewys van verskeie sportbyeenkomste op Stellenbosch, Groenpunt en Paarl in die jare 1928—1930.

Dit het die atletiek-klub geluk om 'n rolprent van die Olimpiese spele in Berlyn te kry van 'n klub in Kaapstad. Mnr. Kelder, verbonde aan die Liggaamsopvoeding-fakulteit, wat self by die spele teenwoordig was, het 'n lewendige en interessante kommentaar gelewer oor die verskeie nommers.

Hiermee het die plaaslike atlete 'n baie suksesvolle seisoen afgesluit.

DAMES-NETBAL

Verlede Saterdag met die netbal Intervarsity, het ons spanne te staan gekom teen hul gedugte teenstanders, nl. O.K.P. Die eerste span het uiters aanskoulike spel gelewer en toe die eindfluitjie blaas was die telling 25—17 in die guns van die Maties.

Met die 2e en 3e spanne het dit egter nie so goed gevaar nie en die telling van albei die wedstryde was ten gunste van O.K.P.

Die oorwinning van die 1e span word egter as 'n groot prestasie beskou en almal kan weer met nuwe moed Saterdag die wedstryd teen Wellington aanpak.

Goeie Raad!

Vir Netjiese Drukkery en ander Skryfbehoeftes

Besoek

DOWSON

Ons Staf tot U Diens.

Plate-Program

Sondagaand om 8.30

'n Uurtjie met Haydn

„Suiwer Wiskunde, in sy moderne ontwikkeling, mag daarop aanspraak maak dat dit die mees originele skepping van die menslike gees is. 'n Ander eiser vir hierdie posisie is Musiek.”

— Prof. A. N. Whitehead.

Franz Joseph Haydn is 31 Maart 1732 in Laer Oostenryk van Slawiese ouers gebore. Van jongs af toon hy musikale talent en later tree hy op as koorsanger. Ook voor sy troue met 'n dame, wat glad nie 'n geskikte lewensgesellin was nie, het hy 'n baie moeilike tyd gehad. Gelukkig word hy egter deur Prins Anton (en later Prins Nicholas) Esterhazy (naby Wene) in diens geneem. Hier het hy vrye teuels gehad en dus 'n gulde geleentheid vir eksperimentasie in orkestrasie. In 1791 gaan hy vir die eerste keer na Londen, waar hy o.a. 'n aantal nuwe simfonieë uitvoer. Na sy terugkeer in Wene neem Beethoven by hom les. Sy bekendste werk, „Die Skepping,” is met groot sukses in 1799 opgevoer. In 1801 volg die oratorium „Die Jaargetye” met byna net soveel sukses.

Kort voor sy dood het Haydn weer 'n opvoering van „Die Skepping” bygewoon. Hy was so aangedaan deur die woorde: „En daar was Lig!” dat dit wenslik geag is om hom huistoe te neem na die eerste deel. Terwyl hy die saal verlaat het, het Beethoven sy hande en voorhoof virig gesoen. By die deur het Haydn 'n ruk gewag, toe omgedraai en sy hand seënend opgehef. Dit was ook die laaste maal dat hy in publiek gesien is, en 31 Mei 1809 is hy in sy geliefde Wene oorlede.

Haydn, die „Vader van die moderne orkes,” is een van die allerbelangrikste persoonlikhede in die musiek. Die Sonata-vorm is hoofsaaklik aan C.P.E. Bach (1714—88) en Haydn te danke. Verder het Haydn die Sonata-vorm op die Simfonie, die Konsert, die Snarkwartet en ander Kamer-musiek toegepas, en het die moontlikhede van hierdie vorme met die veelsydigheid van 'n genie ontwikkel. Sy komposisies sluit in: meer as 'n honderd simfonieë, konserte, 80 snarkwartette, klavier- en snaar-trios, kantatas, verskeie operas, sonatas, sangstukke, ens.

Hierdie week se program bestaan uit die volgende:—

(1) Twee koorstukke uit die oratorium, „Die Skepping,” nl. „Die Hemele Vertel” en „Kom Neem jul Harpe.” Dit sal aangename herinneringe van Herr Endler se opvoe-

Maties!... die gewilde aarsaaplek...

die Kaapstadse Koffiehuys

Wandelgang,

Groote Kerkgebou,

KAAPSTAD

(Foon 3-0520)

'n Ou Tradisie herlewe!

Na 'n besige dag in die stad—
rus en smaaklike etes in die
KOFFIEHUIS.

Blaasorkes Blaas Met Lus

Verlede Vrydagaand het 'n paar toehoorders die oefening van die Studente-blaasorkes in die Hollandse saal bygewoon en was meer as verbaas oor die vordering wat die lede van die orkes reeds gemaak het.

Onder leiding van mnr. E. C. Pienaar kon 'n groepie van die orkes reeds op baie belowende wyse 'n nommer lewer.

In die ateljee was die tamboerslaaners besig om die drie tamoere: Sol, Nappie en Snottie met lus te karnuif. Van ver af kon mens reeds die tamboere hoor en moes jy jouself bedwing om nie in marsstap te geraak nie.

Groot dinge kan van die toer aan die einde van die jaar verwag word, indien die lede van die orkes met dieselfde ywer volhou om te vorder soos dit tot nou toe die geval was.

ring van verlede jaar opwek.

(2) Die *Klawersimbaalkonsert in Cis-kleinterts*, wat soos meeste konserte uit 3 bewegings bestaan.

(3) In 1797 het Haydn die nasionale volkslied van Oostenryk, „Gott erhalte Franz den Kaiser” gekomponeer. „Afrikaners, Landgenote” berus op hierdie melodie. Haydn het in sy „Kaiser”-kwartet in C-groottert hierdie melodie gebruik. Hieruit hoor u die tema en finale variasie.

(4) Die *Verrasingsimfonie* in G-groottert (No. 94). Van alle musici is Haydn die opgewekste en nêrens is hy meer vrolik as in sy simfonieë nie. Hy het altyd grappe gemaak met die orkes: In hierdie simfonie bring hy skielik 'n harde slag in die tweede (stadige) deel in om sodoen-de die sluimerende gehoor te wek! Haydn se suiwer joligheid is waarlik sy grootste bekoring.

Ons innige dank aan Prof. de Villiers vir die leen van sommige van sy plate.

G. F. S.

Mej. Ria Pienaar het 'n tydjie gelede haar oog ernstig beseer, en dit verskaf haar nog baie ongerief nieteenstaande die feit dat sy onder behandeling van 'n oogarts is.

* * *

Dan is daar die geval van Mnr. Gert le Roux van Dagbreek wat vir twee poste geskiet het en toe antwoord van ses gekry het.

Ondersteun Die Matie

Suikerbossie Melksalon

HOOFKWARTIER

van

GESONDHEID.

Ligte Etes, Melkdranke
(warm en koud), Koffie,
Tee en Lekkers.

Onder persoonlike toesig van
OOM HUGO.

APTEKERS

Ons bied u deskundige bediening en betroubare medisyne aan. Deskundige Fotografiese Handelaars.

Maak gebruik van ons
Vlugge Fotografiese
Posdiens.

JOERNING EN SEUN

(Eiëns.) Bpk.

Hoek Bird- en Pleinstraat,
STELLENBOSCH.

DIE MATIE

Hoofredakteur: A.N.S.-Taksleier.
 Redakteur: P. A. Theron.
 Ass.-Redakteur: B. J. v. d. S. de Villiers
 Nuus-Redakteur: D. F. v. d. Merwe.
 Besigheidsbestuurder: S. P. Botha.
 Spesiale Medewerkers: D. G. Franzsen, W. R. Laubscher.

Deel II. 12 JUNIE 1942. No. 15.

Waarom?

In die afgelope tyd is *Die Matie* van verskeie kante beskuldig dat hy onweloweglike en onbillike aanvalle gemaak het. Dit sal dus goed wees om kortliks te let waarop die aanvalle van *Die Matie* in die verlede gemik was.

Die groot doel wat *Die Matie* vir homself gestel het, was en is nog steeds om die Liberalistiese gees, wat sowel 'n oorsaak as gevolg van die Ou Orde is, aan te val. Die Ou Orde, d.w.s. die Kapitalisties-Parlementêr-Partypolitieke-Stelsel, is 'n direkte uitvloei van die rasionalistiese idee dat die mens op grond van sy rede instaat is om die beste besluit in verband met enige saak te neem, mits hy oor die feite beskik en vry gelaat word om sy besluite te neem. Dit is die grondslag van die idee dat die meerderheid altyd reg is, en dat die individu soveel moontlik persoonlike vryheid moet geniet; vandaar die s.g. Laissez Faire politiek van die vorige eeu.

Hierdie stelsel en politiek het as gevolg gehad dat die meerbekwame of meer gewetenlose individu instaat gestel was om hulself te verryk ten koste van die ander. Deur hul vryheid te misbruik en hul rykdom te gebruik beheer hierdie kapitaliste vandag die ekonomiese struktuur van die lande waar die Ou Orde nog heers. Wat meer is, hulle beheer ook die pers, d.w.s. die medium waardeur die massa kennis kry omtrent landsake, en hulle sorg natuurlik dat slegs die feite aan die massa gegee word wat hulle sal bring om besluite te neem in die guns van die kapitalis.

Dit is natuurlik dat in so 'n staat almal sal stry om ook van die bevoorregtes te wees, want alleen dan voel hy veilig omtrent die toekoms. Die mens wil sekerheid hê; hy wil hom nie gedurig bekommer oor die toekoms nie, of hy genoeg sal hê om te eet of te drink nie, en omdat hy slegs op sy eie kragte kan reken, moet hy sy medemens as sy vyand beskou in die stryd om bestaan. Die lid van die volksmassa het in hierdie stryd nie veel kans teenoor die kapitalis nie, en sal dus tot die uiterste veg vir die behoud van die paar regte wat hy nog mag besit, want hy voel dat hoe meer van sy regte weggenem word hoe minder is sy kans in die stryd. Dit is ook om die rede dat ons in ons land baie meer hoor van die regte van die burger as van sy pligte.

Die Matie beveg hierdie stelsel wat die een individu toelaat om sy medemens uit te buit, wat die een burger die vyand van die ander maak terwyl almal lede van dieselfde volk is, en wat as gevolg het die klemlegging van *my regte* in plaas van *my plig teenoor my medeburger*.

Vanselfsprekend is die kapitaliste die nuwe Christelike-Nasionale staat nie goedgesind nie en doen alles in hul vermoë om die ou stelsel te behou. Hulle belangrikste propaganda-middel is die vrees van die individu dat sy kans in die stryd om bestaan slegter gemaak word as hy van sy regte verbeur. Daarom word daar gedurig vertel dat die gewone bur-

Die Oorlog

XV. 'n Wêreldoorlog Inderdaad.

„De Waereldgeschiedenis is 't Waereldgericht, Vergelding, de wet der Historie.”
 — Ten Kate.

DIE RUSSIESE FRONT

Sedert die onlangste groot veldslae by Kerch en Karkof skyn daar aan die Russiese front op die oomblik nie veel gaande te wees nie. Tog het daar gedurende die afgelope paar dae aan hierdie front twee gebeurtenisse plaasgevind wat meer as gewone aandag verdien. Die een is die besoek van Adolf Hitler aan Mannerheim, die Finse opperbevelhebber, by geleentheid van laasgenoemde se 75ste verjaardag. Hierdie besoek is beslis nie 'n buitengewone

maar 'n hanetreetjie in vergelyking met die afstand tussen Brittanje en Noord-Afrika om die Kaap die Goeie Hoop. Dit is hierdie geweldige afstande wat so 'n groot nadeel aan die Brits-Amerikaanse oorlogsvordering uitmaak.

DIE VERRE OOSTE

Na die Japanse verowering van Birma het die swaartepunt van die stryd in Asië na China verskuif. Tsjoenking-China, feitlik afgesny van alle toevoerweë, maak vandag ken-

Deur Prof. J. A. Wiid

gebaar van erkentlikheid jeens die Spil se waardevolste bondgenoot onder die klein state van Oos-Europa" nie. Die skoen sit aan die ander voet. Dit is Finland wat erkentlik moet wees vir die hulp wat hy teen sy doodsvyand, Rusland, van die Spil ontvang het. Die besoek was ook seker nie 'n gewone verjaarsdagbesoek nie. 'n Staatshoof doen nie so iets in tyd van oorlog nie. Die feit dat Hitler vergesel was van Keitel en ander belangrike persone skyn aan te dui dat sake van gewig onder bespreking was. Dit kan aangeneem word dat die belangrike Russiese hawestad, Moermansk, een van die onderwerpe van bespreking was. Dit is veral deur hierdie hawestad dat Amerikaanse en Britse oorlogstuig die Russiese bondgenoot kan bereik. Die verhewigde Duitse lugaanvalle op die Geallieerde skepe wat na Moermansk vaar, veral in hierdie nagtelose tyd van die jaar, skyn 'n versnelde tempo in die oorlogsvordering aan hierdie Yssee-front aan te kondig.

Nie alleen in die hoë noorde van die Russiese front nie maar ook voor Sebastopol, die sterkste Russiese vlootbasis aan die Swartsee, word hard geveg. Hierdie sterk-bevestigde stad is sedert maande van die land se kant omsingel en sy verlies sal vir die Russe 'n ernstige slag wees ofskoon hy as vlootbasis vir geruime tyd seker nie meer gedeug het nie.

NOORD-AFRIKA

In Noord-Afrika duur die slag, wat vertien dae gelede begin het, met onverminderde woede voort. Geen van die vegtende partye het tot hiertoe 'n beslissende oorwinning behaal nie. Dit bly by aanvalle en teenaanvalle. Dit lyk of die slag die vorm van 'n materiaalslag aannaam. Indien dit die geval is, sal dit vir die Britte moeiliker wees as vir die Spilmagte om die verlies aan gemeganiseerde oorlogstuig aan te

ger allerhande regte sal moet verbeur in die nuwe staat, terwyl dit juis die vreemde kapitaliste is wat die meeste regte sal moet verbeur (vernaamlik die reg van uitbuiting). Die burger sal meer regte kry n.l. die reg om 'n ordentlike lewensbestaan te voer, die reg om te werk, ens., maar sy pligte sal hy ook getrou moet nakom.

Waar dit die dinge is wat *Die Matie* aanval, kan ons slegs tot die gevolgtrekking kom dat die persone wat nog *Die Matie* aanval, se oë nog nie geopen is vir die slim taktiek van die kapitaliste en ander wat die Ou Orde wil behou nie. Hulle laat hulle vang deur 'n paar leë strydkrete om 'n orde te verdedig wat hulle self weet verrot is.

vul. Van Italië na Noord-Afrika is die kennis met verwoede Japanse aanvalle uit verskeie rigtings. Dit sal uiteraars moeilike taak vir die Chinese wees om, in hulle afgeslotenheid en sonder noemenswaardige eie oorlogsvrywerhede, die Japanners suksesvol die hoof te bied. Die uitgestrektheid van die land en sy menserykdom sal soos in die geval van Rusland, waarskynlik sy sterkste verdediging wees.

In die oorlog in die Verre Ooste is dit duidelik dat die Japanners nooit altyd die inisiatief in eie hande het. Gedurende die afgelope paar weke het 'n mens verneem van Japanse lugaanvalle op Dutch Harbour, die Amerikaanse vlootbasis voor Alaska, van Japanse aanvalle op die Amerikaanse Midway-eiland, van Japanse duikbote in die hawe van Sydney (Australië) en voor Madagaskar. Van Alaska na Madagaskar is dit vastelande, n.l. Amerika, Asië, Australië en Afrika wat kennis met die Japanners se wapens maak. Saa met die oorlog in die weste het o vandag inderdaad 'n wêreldoorlog sonder weerga in die geskiedenis van die wêreld.

Die Japanse aanval op Dutch Harbour is nie sonder belang nie. Hierdie Amerikaanse vlootsteunpunt op een van die Aleote-eilande, eilande-reeks in Amerikaanse besit, wat in westelike rigting strek tot betreklik naby die Russiese vlootbasis van Petropawlowsk op die skiereiland van Kamtsjatka. Dit dan ook opmerklik dat in die Amerikaanse tydskrif „Foreign Affairs" (April 1942) melding gemaak word van laasgenoemde twee Russiese eilande wat as toekomstige afspringplekke vir 'n Amerikaanse offensief teen Japan sal moet dien.

AUSTRALIË

As daar 'n land is wat horn September 1939 die verloop van hierdie oorlog anders voorgestel het, wat werklik gebeur het dan is waarskynlik Australië. Hierdie Britse dominium, wat in die verlede nog geaarsel het om goed en bloed verre lande vir die Empaaiër op offer nie, bevind hom vandag in uiteraars gevaarlike posisie. Die Japanse verowering in die Suid-Westelike Pasifiese Oseaan het die Japanners voor die poorte van Australië gebring. Daar is vandag 'n skermende Amerikaanse, Britse, Hollandse besittings ten noorde van Australië nie. Daarby moet verongehou word dat afstand (distanse) 'n faktor is wat in elke Australiese probleem ingryp. Terwyl Yokohama (Japan) slegs 4,300 myl van Sydney verwyder is, is die afstand tussen Nu-York en Fremantle (Wes-Australië) om die Kaap die Goeie Hoop byna 12,000 myl. Ook Liverpool ongeveer 12,000 myl van Fremantle

Vervolg op bls. 3 kol. 2.

Dames dis u plig om u hare by die
DAMES HAREVERSORGING-SALON
 te laat versorg.
U voorkoms is hoofsaak.
 U onderskeiding by ons versker die vordering van die Afrikaanse ondernemingsgees en versorg werk vir die Afrikaanse dogter.
Ons pryse is na u smaak.
Dagbreek-Dames-Hareversorgingsalon
 Langmarkstraat 141,
KAAPSTAD.
 (Grondvloer).
 Skakel 2-5662.

R. MÜLLER
 EERSTE vir KLAVIERE, VLEUELS, ORBELS.
 Alle ander soorte
 MUSIEKINSTRUMENTE, MUSIEKALE BENODIGHEDE, DRAADLOOSTESTELLE EN GEDRUKTE MUSIEK. WAPENS, AMMUNISIE, ens.

R. MÜLLER
 (Eiens.) Bpk.
 KAAPSTAD en STELLENBOSCH.

Tel. 2-1944. Posbus 2057.
R. W. van Rijn,
 BRILMAKER.
 Kamers 501-520 Vyfde Verdieping
 Groote Kerkgebou,
KAAPSTAD.
 Laat u brilvoorskrif deur my voltooi word. Maak u keuse uit 'n groot verskeidenheid van moderne rame. Spesiale afslag vir Studente.

Darters
 Pleinstraat, Stellenbosch
Vir waarde in
Boeke,
Skryfbehoeftes,
Musiek,
Musiekinstrumente
en Kunsmateriaal ens
 Ons is ook Fabriek-Distribueerders vir die beroemde „HIS MASTER'S VOICE" Radio's en Radiogramfone.

PLAZA
 (Foon 0013.)
Tarzan's
Secret Treasure
 met
 Johnny Weissmuller
 Maureen O'Sullivan
 John Sheffield
Vrydag en Saterdag
12de en 13de Junie
 Matinee Saterdag om 3 n.m.

EX LIBRIS

Ds. T. N. Hanekom.

LEES IS GOED, MAAR
VERSTAAN BETER.„Verstaan jy wat jy lees?" Hand.
8: 30.

Elke dag van ons lewe sien ons die geskrewe woord — briewe, koe-rante, boeke, die Bybel miskien! Al hierdie dinge dring hulself op aan ons oog; hulle word opvallend geadverteer of by ons deure ingegooi, onge-vraagd of op versoek. Soms staan daarop geskrywe „Dringend," soms swart letters bo-aan! Ons kan nie anders nie, ons moet hulle lees, en doen dit ook. Die vraag is maar of ons verstaan wat ons lees? Die vraag wat ons hierbo-aan geskrywe het, is die vraag wat elke dag homself aan ons opdring en om 'n antwoord vra. En van die antwoord is veel afhank-lik. Want, daar word so baie ge-skrywe. Vanaf die vroegste tye tot vandag toe, beweeg die penne met koorsagtige haas oor die papierblaie. Soms selfs op perkament. Woorde, lang rye woorde, almal gedagtes op skrif, volg op mekaar en bring hulle omsluitende boodskappe, dikwels spe-siaal gerig aan ons adres. En wie sou nie lees nie?

God het ook aan ons geskrywe en doen dit nog, elke dag! In die na-tuur, sy skepping, is sy skrif te lees. In die uitspannel staan sy vlamme-nde letters. Ook op die rotse! Want Hy het sy wet geskrywe met sy vinger op 'n rotstafel, onuitwisbaar ingegrafeer! Ja „God sprak; men stell' op berg en rots, Zyn woord in eeuwig Schrift; en ieder die dat skrif aanschouwt, die leze, wat Hy sprak."

Maar bo alles skryf God aan ons in sy Woord. Op kosbare perkament-blaie het Hy deur sy profete sy boodskap aan ons opgeteken. En die Here skrywe nooit naamloos nie! „So sê die Here," staan op elke blad-sy om vir Hom as outeur aan te wys, en die outeursreg op sy boek te bevestig! Die Bybel is die boek waarin die Here tot ons skrywe. Die vraag is maar of ons dit verstaan?

Meermale lees ons in die Heilige Skrif van mense wat dit nie kan verstaan nie. Daar was Belsasar, Koning oor Babel, die bakermat van alle verwarring. Teen die mure van sy paleis van sonde, het die vinger van God 'n oordeel neergeskrywe. Hy kon dit nie verstaan nie. Dit was naby genoeg en duidelik genoeg, maar hy was nou eenmaal die koning van Babel — Babel wat van die begin af die handskrif van God nie kon ontsyfer nie! Hierdie bood-skap was gerig aan sy adres en be-vat 'n oordeel oor sy koningskap. Sy dae is getel, sy oordeelsuur het geslaan. Op die weegskaal van God ... word ook leiers geweeg! En ook soms te lig bevind! Dit staan op Skrif. As hulle dit maar kon lees en verstaan. Of as hulle maar wil luister na die wat die Skrif kan lees!

Ook hierdie hofdienaar aan wie die vraag van ons teks gestel word, kan lees maar nie verstaan nie. Hy wou so graag! Daar in Jerusalem het hy vir hom die Boek gekoop en sommer dadelik op sy terugreis begin lees. Hy was miskien nog maar jonk, met die groot, groot lewe nog voor hom, maar oud en ernstig genoeg om te wil verstaan wat hy lees. Ongeluk-kig kon hy nie. Daar was niemand om vir hom die weg te wys nie. Hy moes die sleutel vind vir die moeilike Skrif van God, maar tevergeefs. God het egter die gedagtes van sy hart ge-ken en verstaan en 'n man gestuur wat weet, 'n man wat nie net lees nie, maar ook verstaan wat hy lees! Toe het die woorde begin lewe voor hom en in hom. Toe het Gods ge-dagtes begin brand in sy hart! Om te lees is goed, om te verstaan heer-lik. En hy het met blydschap voort-gereis!

God skryf ook in sy Woord tot ons wat jonk is. Ons is almal lesers van sy Woord. Of ons dit verstaan?

Uniale C.S.V.-Konferensie Aan Die Strand

Onderwerp Het Betrekking Op Huidige Probleme

Op die Uniale C.S.V. Studentekonferensie wat vanaf 27 Junie tot 1 Julie by Rusoord, in die Strand gehou word, sal as onderwerp dien: „Die Christen se Rykdom, Wandel en Stryd." Die volgende sal moontlik as sprekers optree: Prof. Dr. B. B. Keet, Ds. G. S. Möller, Ds. Ben Marais, Ds. Z. C. B. Stofberg e.a.

As gevolg van verskeie moeilik-hede kan die konferensie nie meer op Aliwal-Noord of Graaff-Reinet of selfs Glen, soos voorheen besluit is, plaasvind nie. Daar is vervolgens besluit om dit te hou in die Strand.

Die onkoste vir die hele tydjie sal wees £1-2-6 (reiskoste nie ingeslote). Persone wat graag wil gaan, kan hulle name inhandig by Jannie van Vuuren, C.S.V.-gebou of enige van van die bestuurslede. Dit moet ge-skied voor 19 Junie.

DIE DOEL

Die doel is die voorbereiding van 'n groepie in elke inrigting vir hoër onderwys, wat nie alleen self sal kan bestaan in Christus nie, maar ook andere sal kan help in hierdie ernstige stryd. Veral in hierdie dae van Wêreldchaos, en stryd op tydelike gebied, word die Christen aan baie strenge toetse onderwerp. Laat ons dus mekaar steun en help, sodat ons staande kan bly.

Die onderwerp wat bespreek sal word, is gekies sodat dit baie van ons huidige probleme sal dek.

In die verlede was die konferensies altyd baie aangenaam, en alle lede kan getuig van die vrug wat sulke byeenkomste gehad het tot versterking van die Christelike ideaal en strewe. Alle belangstellendes sal hartlik welkom wees, maar, aange-sien daar heelwat organisasie aan verbonde is, sal dit baie waardeer word indien die persone wat gaan, hulle name voor die gemelde datum instuur.

DIE OORLOG.

Vervolg van bls. 2 kol. 4.

verwyder. Dit is oor hierdie gewel-dige afstande dat manskappe en krygstuig uit Amerika en Brittanje na Australië gestuur moet word. Dit moet verder onthou word dat hierdie hulp Australië alleen in be-skermde konvooi kan bereik en dat die gemiddelde snelheid waarmee so 'n konvooi vaar slegs van tien tot twaal seemyle per uur is. Daar kan ook allerhande vertragende faktore, soos 'n vyandelike aanval, intree. Dit alles maak Australië baie geïsoleerd, byna 'n eiland omring van vyande.

As hulp uit Amerika en Brittanje nou eenmaal Australië bereik het, dan is die distansie-probleem nog geensins uitgeskakel nie. Australië self is 'n land van geweldige af-stande, met 'n erg oneweredige ver-spreiding van die bevolking en met 'n baie gebrekkige verkeerstelsel. Dit is miskien nie algemeen bekend dat die Australiese spoorlyne drie ver-skillende wydtes het nie. Dit alles is faktore wat die verdediging van Australië bemoeilik. En tog is dit juis Australië wat as basis, as af-springplek, sal moet dien in die ko-mende Brits-Amerikaanse offensief teen Japan. Hierdie offensief sal egter gou moet kom anders loop Australië en sy sewe miljoen inwo-ners groot gevaar.

Mnr. Phil Mostert van die Doeanekantoor, Johannesburg, het gedurende die naweek besoek afgelê by sy broer, Mnr. Billie Mostert van Dagbreek.

Onder Onsies

Prof. Schapera van die Universi-teit van Kaapstad, het Woensdag-aand die Bantoe Studiekring toege-spreek oor die onderwerp, „Hoof-manskap in die Betsjoeanaland-Pro-tektooraat."

* * *

Mej. Antoinette Webb was vir 'n paar dae terug hier op Stellenbosch om haar finaal af te rig vir die aan-stelling wat sy gekry het as lig-gaamsopvoeding onderwyseres aan die Huishoudkundeschool te Potchef-stroom.

* * *

Mej. Trina Smuts verlaat Stel-lenbosch aan die einde van die kwar-taal. Sy is aangestel as musikonder-wyseres te George. Monica se koor sal haar bekwame leiding mis.

* * *

Mej. Jean Brincker, „Sonop," het verlede Dinsdagaand by wyse van 'n middernagtelike partytjie haar 20e verjaardag gevier.

* * *

Na verneem word sluimer daar uitstekende talent in die Kweek-skool. O.a. is daar Mnr. Dawid de Villiers wat gedurende die klas gediggies skryf op Mej. Aletta van Zijl.

Daar's 'n Rede

Die knapste Student kry die beste pos.

Die beste Drukwerk trek die meeste aandag.

Ons is bekend vir kwaliteit drukwerk teen konkurrerende pryse.

Pro Ecclesia-Drukkery,
Die Laan, Stellenbosch.

8 UUR FOTODIENS



U films kan nou in 8 uur ontwikkel en afgedruk word

VERGROTINGS
'N SPESIALITEIT

8-Uur Fotodiens

Vh Herold's Ateljee
Andringastraat - Stellenbosch

Studente!

Wees ekonomies en gaan ver-sigtig te werk.

Laat

J. B. COETZEE

u volgende pak klere of kleur-baadje maak.

AGENT VIR NANNUCCI
DROOG SKOONMAKERS.

Andringastraat.

„Die Uitspan"

Waar? In die
C.S.V.-Hoofgebou.

Wat? KAFEË waar warm etes, warm- of koel-dranke en allerlei lekkernye bedien word.

Voorwaarde? Kom vind uit en wees verseker van bevrediging in

„Die Uitspan"

Alfred Blommaert,

(Foon 48 en 176)

Kerkstraat,

STELLENBOSCH.

KRUIDENIERSWARE

- - YSTERWARE - -

- - PRODUKTE - -

Die Winkel vir billike en spoedige bediening.

DIE EIKE KAFEË

(Eienaar: van der Wes.)

STUDENTE:

Kom na die Eike vir vars vrugte, sjokolade en tabak.

Ons waardeer u ondersteu-ning en verseker u van ons beste dienste.

I N K.

Weens die Skaarste van Ink en Bottels sal daar in die toekoms alleen aan persone ink verskaf word wat hulle leë bottels aan ons terug besorg.

GOUE VULPENPUNTE.

Ons koop alle goue vulpenpunte wat nie meer bruikbaar is nie op teen 6d. stuk.

NUWE AFRIKAANSE BOEKE:

Springbok-Biblioteek. 5/6.

„Nalatenskap," deur Zelia Meyer.

„As die Skaduwees val," deur J. H. Grobler.

Kwarteeu-serie.

Mikro; Huisie teen die Heuwel — 10/-.

PAS ONTVANG:

Verskillende titels van TAGORE se werke: „Scarlet Pimpernel Omnibus," 8/6. — „Saint Omnibus," 8/6.

C.S.V.-BOEKHANDEL — STELLENBOSCH

ONDERSTEUN ONS ADVERTEERDERS

Rook Springbok-Sigarette

EKSAMENKOORS

Te min tee... te veel reën... te min suiker... te veel eksamens—siedaar Stellenbosch Junie 1942. Modder, boeke, dames in verlepte reën-jasse... Die gekryns van baie penne in die gespanne atmosfeer van die eksamenkamer... A, hier is mos die vraag waarvoor ek gewag het! Met hierdie vraag is ek, jy kan maar sê, gebore.. Whenever any person, or if more than one then persons, has or have (as the case may be) been committed for trial or sentence (as the case may be) in respect of any offence or offences, the superior court or courts within whose area or areas (as the case may be) of jurisdiction such person or persons was or were so committed, shall have jurisdiction to try or sentence such person or persons in respect of such offence or offences notwithstanding that such offence or offences was or were (as the case may be) committed outside such area or areas, and such jurisdiction shall be held concurrently with any such other superior court or courts within whose area or areas of jurisdiction such offence (or offences) have been so committed... Arrie, nee, leer jy nou vir so 'n man regte! Hiervoor kry ek minstens 'n 7 of 'n 8 (as the case may be). Reën... verligting... modder... en blydskap. En vanaand na die fliek met my pal of pals (as the case may be) provided that if at any time, moment or period before entering such fliek as aforesaid such pal (whether male or female) so requests the place of entertainment may be altered, changed or varied to any local pub or pubs in the discretion of such pal or gal, as the case may be, whether the act of entering or being on or upon such premises at night time constitutes a wrongful, unlawful or malicious breach of a university or statutory duty or not, provided also that also that all intoxicating liquids consumed, imbibed or taken on or upon such premises shall, if commercial, be deemed to be of the same force and effect as if it would have been if masonic or vice-versa...

This container, conveyance or receptacle before me, after close inspection appearing to me on reasonable grounds to be void and empty, and there being no reasonable prospect of such container, conveyance or receptacle being replenished and refilled, and moreover no reasonable, equitable and just cause having been shown and urged why I should not here and now retire and retreat to my bed and couch therein to recline and repose in order to alleviate and relieve the pain and suffering in my head and brain, I wish to beg and pray this honoured and esteemed court for leave and permission so to act and do.... Toodle-oo!...

Ondersteun
Mendrikz se Slaghuis en Viswinkel
Die beste diensle word gelewer.
ADRES: ANDRINGASTRAAT.

DAMES-HOKKIE

Na die goeie vertoning teen Tuine het die eerste span verlede Saterdag teleurstellende hokkie gelewer. Die bewegings van die voorspelers was nie afgerond en hul kenmerkende storm-taktiek het ontbreek. Die verdediging was goed behalwe vir die aantal houe wat onoordeelkundig en wyd gestuur was.

Westelike Provinsie het die oorwinning verdien maar die telling 6—0 was nie 'n troue weergawe van die spel nie.

1 Res. A was ongelukkig om 2—1 te verloor. Gelykop sou meer redelik gewees het volgens die gehalte van die spel.

1 Res. B. het van die mees aanskoulike hokkie gelewer, vinnig deurgaans, met perfekte kontrole oor die stok en bal.

Eerskomende Saterdag ontmoet die Maties Opleidingskollege, Mowbray, op Nuweland. Hulle behoort te wen veral na 'n verandering in die span.

Mej. Issie Groenewald wat weens kniebesering 'n tydlang afwesig was van die veld is weer beskikbaar as doelwagter. In die tussentyd het Ethie Schoonees dié plek op uitstekende wyse gevul.

Die klub het 'n uitnodiging ontvang van Pretoria Universiteit, maar geen definitiewe reëlings vir so 'n toer is tot dusver getref nie. Dit hang daarvan af of die S.V.R. finansieel goedgesind is.

Militêre Hospitaal op Stellenbosch?

Ons verneem dat die regering voornemens was om hier 'n hospitaal van 100 beddens vir Militêre doeleindes te bou. Daar die stadsraad egter besig is met die bou van die nuwe hospitaal is aan die hand gedoen dat die Regering 'n verdieping op die nuwe hospitaal sou bou, wat dan vir Militêre gebruik sal aangewend word tot ses maande na die oorlog, en daarna sal oorgeneem word deur die plaaslike owerheid as deel van die nuwe hospitaal. Daar is egter nog nie finaal oor besluit nie.

Mej. Joan Schoon is terug op Stellenbosch om haar finale M.A.-eksamen in Engels af te lê.

Heel party Maties het die opvoerings van die operas „Aida” en „Barbier van Sevilla” in die Alhambra bygewoon.

DAMES

Wat ons nie het nie, kry ons.

Wat ons nie kan kry nie, maak ons.

PROBEER

Tant Mita
se
Modewinkel

Korrespondensie

Modemetodes

Die Redakteur,
„Die Matie.”

Waarde Heer,

So tussen al die Dwars-in-die-kropstekende uitinge van die Liberalisme op Stellenbosch op politieke en sosiale gebied, is daar andermaal 'n aspek van die saak wat klagtes noodsaaklik maak. Nou nie dat klagtes sal help nie, insoverre daar waarskynlik geen bekeerlinge sal voorkom nie, want die objektivisme waarop so baie Liberaliste roem — en dan ook maar diegene onder hulle wat genoeg belangstel in hulleself om te weet dat hulle Liberaliste is — is 'n baie eensydige objektivisme! Maar dit kan tog miskien keer teen die misleidende van diesulkes wat nog nie dartoe gekom het nie.

Die saak waarvoor gekla word is die toenemende neiging tot selfverloënde toewyding by 'n groot deel van ons studente-samelewing — veral die „skones” — aan wat genoem kan word 'n rook-rouge-rooilippe-rokke-obsessie, met sy implikasies.

Dat mense, en juis weer die „skones” veel aandag sal wy aan hulle voorkoms is hoegenaamd nie te veroordeel nie. Intendeel, dit is minstens 'n blyke van selfrespek en sosiale goedgesindheid. Maar andermaal is die gees waarin die dinge benader word ons grootste kwelling. Dit weerspieël 'n geesteslaktheid en 'n onsinnige uitpattigheid, wat kenmerkend is van alle ondergange, veral die huidige ondergang van demokrasie, met Amerika as die brandpunt van reukende ontbinding. Die gees is nl. een wat die vreemde om die vreemdheid daarvan vereer, die nuwe aangryp om geen ander rede as dat dit nuut is nie, en so doende die toeval van modestandaard met 'n onverbiddele fatalisme genaak. Die nuwe en die vreemde is dan ook oorwegend Amerikaans.

Mnr. die redakteur, ek wil daarop wys dat daar baie onaantreklike verskynsels in ons midde beweeg as gevolg van wat gaande is! As mense tog maar dinge wil doen met 'n doel in teendeel van elke saak 'n doel op sigself te maak en hom gevolglik te oordryf, sou ons miskien die „verfraaiing” kon waardeer.

Verder kan ek terloops daarop wys dat in 1938, toe die dames feitlik almal in Voortrekkerdrag beweeg het, die mans se monde oopgehang het in spraaklose bewondering. Waarom nou skielik na die ander uiterste gaan met die rokke — en dan wolkies dra om te keer teen die koue?

Dit omtrent die rokke en die rouge en die rooilippe. Nou die rook. Dat dames—ook in die openbaar—in so 'n groot mate hulself tot skoorstene maak, is te verstaan. Dit hang immers saam met die ganse strewe na potsierlikheid! Maar dit is ook te betreur, want dit gee die indruk van absolute onverfyndheid en onvroulikheid, in teenstelling met die effense

manlikheid wat dit aan die ander geslag verleen.

En saam met dit alles kom die ekstatiese oorgawe aan die jongste „hits.” Kyk, 'n dame wat haar gesig verberg agter kosmetiek en alle sinds verder poog om haarself bloot te stel, is alreeds 'n saak om jou kop oor te krap. Maar om haar in die straat te sien voetjie-trap en volstruisnek maak na die ritme — natuurlik van dié soort waar jy elke slag 'n noot mis maar hom darem vat — van een van die jongste rumba-snake-crawl sinnelikeids-eksposisies, is nie alleen belaglik nie, maar dikwels vulgêr.

En gepraat van die gees waarin dinge geskied, kyk die woorde:

With the moon above—
I'm telling you
That I'm in love—
I'm telling you
When all our dreams
Come true—
In paradise
We'll be—
You're telling me—
I'm telling you—
boo-hoo, boo-hoo.

Mnr. die redakteur, ek vra nie konsertina-toegewydheid nie, en ook nie puriteinse halse nie. Maar ordentlikheid-in-gematigheid en verfraaiing bo modemaalheid is pasliker, en gee minstens die indruk van moontlike waardes van so 'n poging.

Dankie vir opname.
Die uwe,

KOL.

Uittreksel uit Martienes Theunis Steyn.

deur N. J. v. d. Merwe.

Die Vrystaatse Volksraad was nie op partypolitiek gegrond nie.” Elke lid kon selfstandig sy oordeel oor 'n saak uitspreek en volgens sy eie sienswyse steun. Bls. 89.

„Het wel en wee van Zuid-Afrika, ligt in de land van de werelddeel zelf, maar dan moeten wij achterdocht, wantrouwen en verdeeldheid vermijden en eensgezindheid bevorderen. Zuid-Afrika lijdt reeds genoeg door droogte, pest en sprinkanen, zullen wij 't dan ook nog de druk der verdeeldheid opleggen?”

Ons het onlangs Uniedag gehad. Pres. Steyn oor Vereniging:—

„Er wordt gesproken van 'n Verenigd Zuid-Afrika. Is zulk 'n Verenigd Zuid-Afrika bereikbaar? vraagt men. Het hangt ervan af wat men bedoelt met zulk 'n Verenigd Zuid-Afrika. Als 't 'n saak is van praktiese politiek, dan sê ek dit is onmoontlik. Want kan ik, als ik spreek van 'n Verenigd Zuid-Afrika, iets anders bedoelen dan 'n republikeins Zuid-Afrika, indien ik getrouw wil blijven aan de Oranje Vrystaat, en kan 'n kolonist, indien hij getrouw is aan die Kolonie, iets anders bedoelen dan onze vlag neer te halen?”

„n Mens hoor so baie van gelyke regte vir albei seksies in die land, maar wanneer dit kom tot gelyke pligte, dan is dit verdrukking.”

DIE PÉRELSE STOOMWASSERY

Kom laat die Firma wat die Beste diensle lewer u ook bedien.

Eienaar: **Mnr. W. Marsh.**

REËNJASTE VIR KLASLOOP

Mans Vaal Reënjaste, 32/6; Mans Blou Reënjaste, 34/6; Mans Enkelbors Reënjaste, 46/-; Mans Dubbelbors Reënjaste, 63/6. Mans Blou en Vaal Wol Reënjaste, 73/6 en Waterdig, 97/6. Mans Warm Tweed Jaste Half-belt, sonder plooië in Rug vanaf 69/6, 79/6, 89/6, 105/-, 117/-, tot 120/-, in al die nuutste kleure. Sambrele: 9/11, 10/11, 11/-, 11/6, 12/6.

Ons nuutste voorraad Oortrekjersies en Truie met hoë kraag het so pas gearriveer. Leer Golfbaadjies, 62/6, 69/11.

Onthou hier kry u die grootste keuse op die dorp teen die laagste pryse. — Kom koop hier en slaan u slag.

GEBROEDERS DE WET (EINS.) PBK.

Bus 21. **STELLENBOSCH.** Foon 20.